



逸周書卷第五

商誓解第四十三

新安程榮校

孔晁注

王若曰告爾伊舊何父□□□□幾耿肅執乃殷之
舊官人序文□□□□及太史比小史昔及百官里
居獻民□□□來尹師之敬諸戒疾聽朕言用胥生
蠲尹王曰嗟爾衆予言若敢顧天命予來致上帝之
威命明罰今惟新誥命爾敬諸朕話言自一言至于

十話言其惟明命爾王曰在昔后稷惟上帝之言克
 播百穀登禹之績凡在天下之庶民罔不維后稷之
 元穀用烝享在商先誓正明祀上帝□□□亦維
 我后稷之元穀用告和用胥飲食肆商先誓王維厥
 故斯用顯我西土今在商紂昏憂天下弗顯上帝昏
 虐百姓奉天之命上帝弗顯乃命朕文考曰殪商之
 多罪紂肆予小子發弗敢忘天命朕考胥翁稷政肆
 上帝曰必伐之予惟甲子尅致天之天罰□帝之來
 華紂之□予亦無敢違大命敬諸昔在我西土我其

有言胥告商之百無罪其維一夫予既殛紂承天命
 予亦來休命爾百姓里居君子其周卽命□□□□
 □□□□□□□□□□□□□□□□□□□□□□
 □□□□□□爾冢邦君無敢其有不告見于我有周
 其比冢邦君我無攸愛上帝曰必伐之今之惟明告
 爾予其往追□紂達趨集之于上帝天王子有命爾
 百姓獻民其有綴芳夫日敬其有斯天命不令爾百
 姓無告西土疾勤其斯有何重天維用重勤興起我
 罪勤我無克乃一心爾多子其人自敬助天求休于

我西土爾百姓其亦有安處在彼宜在天命口及惻
興亂予保奭其介有斯易用天命若朕言在周曰商
百姓無罪朕命在周其乃先作我肆罪疾予惟以先
王之道御復正爾百姓越則非朕負亂惟爾在我王
曰百姓我聞古商先誓王成湯克辟上帝保生商民
克用三德疑商民弗懷用辟厥辟今紂棄成湯之典
肆上帝命我小國曰革商國肆予明命汝百姓其斯
弗用朕命其斯爾冢邦君商庶百姓予則口劉滅之
上曰霍予天命維既咸汝克承天休于我有周斯小

國于有命不易昔我盟津帝休辨商其有何國命予
小子肆我殷戎亦辨百度口口美左右予予肆劉殷
之命今予維篤祐爾予史太史違我史視爾靖疑胥
敬請其斯一話敢逸僭予則上帝之明命予爾拜拜
口百姓越爾庶義庶刑予維及西土我乃其來卽刑
乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王
于殷郊王乃升汾之阜以望商邑永歎曰嗚呼不淑

允天對遂命一日維顯畏弗忘王至于周自口至于
在中央明不寢王小子御告叔旦叔旦亟奔即王曰
久憂勞問周不寢曰安予告于王曰嗚呼旦惟天不
享于殷發之未生至于今六十年夷羊在牧飛鴻過
野天自幽不享于殷乃今有成維天建殷厥徵天民
名三百六十夫弗顧亦不賓成用戾于今嗚呼于憂
茲難近飽于卹辰是不室我來所定天保何寢能欲
王曰旦予克致天之明命定天保依天室志我共惡
俾從殷王紂四方赤宜未定我于西土我維顯服及

德之方明叔旦泣涕于常悲不能對王曰口傳于後
王曰旦汝維朕達弟子有使汝汝播食不遑暇食矧
其有乃室今維天使子惟二神授朕靈期于未致予
休于近懷子朕室汝維幼子大有知昔皇祖底于今
勗厥遺得顯義告期付于朕身肆若農服田饑以望
獲予有不顯朕卑皇祖不得高位于上帝汝幼子庚
厥心庶乃來班朕大環茲于有虞意乃懷厥妻子德
不可追于上民亦不可荅于朕下不賓在高祖維天
不嘉于降來省汝其可瘳于茲乃今我兄弟相後我

筮龜其何所即今用建庶建叔旦恐泣涕共于王曰
 嗚呼旦我圖夷茲殷其惟依天其有憲命求茲無遠
 天有求繹相我不難自洛汭延于伊汭居陽無固其
 有夏之居我南望過于三塗我北望過于有嶽不願
 瞻過于河宛瞻于伊洛無遠天室其曰茲曰度邑

武倣解第四十五

惟十有二祀四月王告夢丙辰出金枝郊寶開和細
 書命詔周公旦立後嗣屬小子誦文及寶典王曰嗚
 呼敬之哉汝勤之無蓋口周未知所周不周商無

也朕不敢望敬守勿失以詔寘小子曰允哉汝夙夜
 勤心之無窮也

五權解第四十六

維王不豫于五日召周公旦曰嗚呼敬之哉昔天初
 降命于周維在文考克致天之命汝維敬哉先後小
 子勤在維政之失政有三機五權汝敬格之哉克中
 無苗以保小子于位三機一疑家二疑德三口口疑
 家無授衆疑德無舉士質士無遠齊吁敬之哉天命
 無常敬在三機五權一曰地地以權民二曰物物以

權官二曰鄙鄙以權度四曰刑刑以權常五曰食食以權爵不遵承括食不宣不宣授臣極賞則澠澠得不食極刑則仇仇至乃別鄙庶則奴奴乃不滅大國則驕驕乃不給官無庶則荷荷至乃辛物庶則爵乃不和地庶則荒荒則聶人庶則匱匱乃匿嗚呼敬之哉汝慎和稱五權維中是以以長小子于位實維來寧

成開解第四十七

成王九年大開告用

周公大開告道成王用之也

周公曰嗚呼余

夙夜之勤今商孽競時逋播以輔余何循何循何慎

王其敬文命無易天不虞

言商餘紂子祿父競求是逋播逃越之人以自輔當

敬天命備不度者也

在昔文考躬修五典勉茲九功敬人畏天

教以六則四守五示三極祗應八方立忠協義乃作

祗敬

三極一天有九列別時陰陽三地有九州別起

五行三人有四佐佐官維明五示顯允明所望

四佐謂天

子前疑後丞右輔左弼也

五示一明位示士二明惠

示衆三明主示寧四安宅示孥五利用示產

王明三明明安宅

妻子寧固利

產足窮家懷思終主爲之宗德以輔衆

和乃同言五示之義四守一政盡人材材盡斃二土

守其城溝三障水以禦寇四大有沙炭之政在人盡其材則

死力效致大沙熾炭可以政適人也六則一和衆二發鬱三明怨四轉

怒五懼疑六因欲鬱謂穀帛滯積省也名則轉之懼則疑之欲則因之此文王所以尅

也紂九功一賓好在筭二淫巧破制三好危破事四任

利敗功五神巫動衆六盡哀民匱七荒樂無別八無

制破教九任謀生詐在筭謂貴幣於筭無節限也盡謂送終過制也無別亂同也任

謀謂權變也不犯此則成功也和集集以禁實有離莫遂通其五典

一言父典祭祭祀昭天百姓若敬二顯父登德德降

為則則信民寧言祭祀見享受福民乃化則法信民心也三正父登過過

慎於武設備無盈使正舉事過於前無自滿四機父登失修□□

官官無不敬五□□□制哀節用政治民懷使刺譏之

士舉政之失其官官無不敬矣懷猶歸之也五典有常政乃重開之守內

則順意外則順敬內外不爽是日明王重開言無爽也王拜

曰允哉維予聞曰何鄉非懷懷人惟思思若不及禍

格無日至格式皇敬哉余小子思繼厥常以昭文祖定

武考之列式用皇天嗚呼余夙夜不寧

作雒解第四十八

武王克殷乃立王子祿父俾守商祀封以鄭連管叔

于東建蔡叔霍叔于殷俾監殷臣東謂衛曰鄘霍武

王既歸成歲十二月崩鎬肆于岐周乃謂乃後之周

公立相天子三叔及殷東徐奄及熊盈以略立謂為

也殷祿父徐戎奄謂殷之諸侯周公召公內弭父兄外撫諸侯九年

夏六月葬武王於畢弭安畢也二年又作師旅臨衛政殷

殷大震潰下叛其上曰潰降辟三叔王子祿父比奔管叔經

而卒乃囚蔡叔于郭淩郭淩地名囚拘也凡所征熊盈簇十

有七國俘維九邑俘囚為奴十七國之九邑罪重故囚之俘殷馘民遷

于九畢賢民士大夫也九畢成周之地近王化也俾康叔宇于殷俾中旄

父宇于東康叔代霍叔中旄代管叔周公敬念于後日予畏同室

克追俾中天下成王二年秋迎周公二年春歸也周公追長尊王也及將致政

乃作大邑成周于土中王城也於天下土為中城方千七百二

十丈郭方七百里南繫于洛水地因于刺山以為天

下之大湊郭郭也繫因皆連接也湊會也制郊甸方六百里國西土

為方千里西土岐周通為圻內分以百縣縣有四郡郡有口鄙

大縣城方王城三之一小縣立城方王城九之一

九分居其一都鄙不過百室以便野事耕桑農居鄙得以

庶士士居國家得以諸公大夫

居治也治鄙以農治國家以大夫

工賈胥市臣僕州里俾無交為

工商百胥人臣僕各異州里而居不相雜

交也胥待也

乃設丘兆于南郊以上帝配

曰后稷設築壇城內郊

南郭也

日月星辰先王皆與食

先王后稷謂郊時

諸受命於周

乃建大社於周中

受封也

其瓊東青土南赤土西白土

北驪土中央豐以黃土將建諸侯鑿取其方一面之

土苞以黃土苴以白茅以為土封故曰受則大於周

室

其方諫建曹方諸侯以青土也覆茅苴裹土封之為社也

乃位五官大廟宗宮

考宮路寢明堂

五官官府寺也太廟后稷二宮祖考廟也路寢王所居也明堂在國南者

也咸有四阿反玷重亢重郎常累復格藻稅誤移旅

楹卷常畫

咸皆也廟四下日阿反玷外尚室也重亢累棟也重郎累屋也常累系也復格累之

孺也升藻稅畫梁柱也承屋曰移旅別也

內階玄階

堤唐山廡

以黑石為間唐中庭道堤謂為高之也廡謂畫山雲

應門庫臺玄閭

門者皆有臺於庫門見之後可知也又以里石為門階也

皇門解第四十九

維正月庚午周公格左闕門會群門

格至也路寢左門曰皇門闕音

也皇曰嗚呼下邑小國克有耆老據屏位建沈入非不

用明刑

耆老之賢人也又建立沈伏賢人不用明法

維其開告于予嘉德

之說言下邑所行而我法之命我辟王小至三大我

聞在昔有國誓王之不綏于卹君也卹憂言思治也

乃維其有大門宗子勢臣內不茂揚肅德訖亦有孚

以助厥辟勤王國王家大門宗子遠長勢曰顯仕乃

方求論擇元聖武夫羞于王所言旁自其善臣以至

十有分私予苟克有常罔不允通咸獻言在于王所

私子庶孽也常謂常德言人斯是助王恭明祀敷明

刑言善人君子皆王周有監明憲朕命用克和有成

用能承天嘏命監視明此事法故能百姓兆民用周

不茂在王庭勉在王庭獻先用有勸求有口于上下

上謂天下人斯既助厥勤勞王家助君也謂大先人

神祇報職用休俾嗣在厥家先人及天地報三國用

寧小人用格口能稼穡咸祀天神戎兵克慎軍用克

多神祐王用奄有四鄰遠土丕承萬子孫用未被先

土之靈光奄同不至于厥後嗣弗見先王之明刑維

時及胥學于非夷時有胥相為是以家相厥室弗卹

王國王家維德是用言勢人以大夫私家以昏求臣

作威不詳不脣惠聽無辜之亂祥善也不察無亂是

羞于王言順不進王阜良乃惟不順之言于是人斯

乃非維直以應維作誣以對俾無依無助阜大良善也王求善

而是人作誣以對故王無依助也譬若略犬驕用逐禽其猶不克有

獲驕謂不習也言人之無是人斯乃讒賊媚嫉以

不利于厥家國言賊仁賢忌媚嫉譬若匹夫之有婚

妻曰予獨服在寢以自露厥家收室也言自露於家言謂美好喻昏臣也

媚夫有適無遠乃食蓋善夫俾莫通在士王所食為野

媚夫見近利而無遠慮利為遠蓋善夫使莫通乃惟有奉狂夫是陽是繩

以為上是按司事于正長言陽舉狂夫以為上人命口為官長正主其事也

用迷亂獄用無成小民率穡命者教也率皆痛愁用也保用無用

壽亡以嗣天用弗保民之用無所宣施是故民失其性天所不安用非其人故也

媚夫先受殄罰國亦不寧嗚呼敬哉監于茲朕維其

及殄絕其世也及其人也朕蓋臣夫明爾德以助予一人憂蓋進

也言我進用之臣夫明明之德助我憂天下者無維乃身之暴皆卹爾假予

德憲資告予元假借資用也借我法用德譬若衆略

常扶予險乃而予于濟如衆令畋獵相扶持也濟遂也汝無作

而不大戒解第五十

維正月既生魄王訪于周公曰嗚呼朕聞維時兆厥

維正月既生魄王訪于周公曰嗚呼朕聞維時兆厥

工非不顯朕實不明兆始工官言政治維士非不務

而不得助大則驕小則懾懾謀不極言務求士而不

極中予重位與輕服非其得福厚用遺重所重在於

也庸止生郊庸行信貳衆輯群政重位輕重所

不輯自匿嗚呼予夙勤之無或告余非不念念不知

止容端則信貳則難中也我雖勤周公曰於敢稱

乃武王之言曰微言入心夙喻動衆大乃不驕行惠

於小衆乃不懾言汝之武連官集乘同憂若一謀有

不行茲惟重告再連官則同憂庸厲同濟謀有不行必行也

王有言

以餌士權先申之明約必遺之餌謂爵祿其位不尊

其謀不陽我不畏敬材在四方車當畏敬賢者尊其

言無擅于人塞匿勿行惠戚咸服孝悌乃明擅人專

陰忌哀惠明立威耻亂使衆之道撫之以惠内姓無

感外姓無譴鄙印其亂則思治矣内長人知其罪上

之明審教幼乃勤貧賤制設九備乃無亂謀上明

隱情故九備一忠正不荒美好乃不作惡順人心明

日知罪四說聲色憂樂盈匿五顧信傷辯曰費六

出觀好怪内乃淫巧碩大七謀躁内乃荒異八

怪異

□□好威民衆日逃九富寵極足是大極內心其離

也口室九備既明我貴保之應協以動遠邇同功應協以動

以和謀和適同覆以觀之上明仁義援貢有備上謂君也

聚財多□以援成功克禁滯謀衆匿乃雍言閉塞順不行也

得以動人以立行輯佐之道上必盡其志然後得其

謀言和輯求助當先順人也無□其信雖危不動□□以昭其乃

得人轉移貞信如此得其用也上危而轉下乃不親上危而平不親之不足信

故王拜曰允哉允哉敬天行道

逸周書卷第五終

逸周書卷第六

晉 孔晁注

明 新安程榮校

周月解第五十一

惟一月既南至昏昴畢見日短極基踐長微陽動于

黃泉陰慘于萬物是月斗柄建子始昏北指陽氣虧

草木萌蕩日月俱起于牽牛之初右回而行月周天

起一次而與日合宿日行月一次周天歷舍于十有

二辰終則復始是謂日月權輿周正歲道數起于時

一而成于十次一爲首其義則然凡四時成歲有春
夏秋冬各有孟仲季以名十有二月中氣以著時應
春三月中氣雨水春分穀雨夏三月中氣小滿夏至
大暑秋三月中氣處暑秋分霜降冬三月中氣小雪
冬至大寒閏無中氣斗指兩辰之間萬物春生夏長
秋收冬藏天地之正四時之極不易之道夏數得天
百王所同其在商湯用師于夏除民之災順天革命
改正朔變服殊號一文一質示不相鉛以建丑之月
爲正易民之視若天時大變亦一代之事亦越我周

王致伐于商改正異械以垂三統至於敬授民時巡
狩祭享猶自夏焉是謂周月以紀于政

時訓解第五十二

立春之日東風解凍又五日蟄蟲始振又五日魚上
冰風不解凍號令不行蟄蟲不振陰姦陽魚不上冰
甲冑私藏雨水之日獺祭魚又五日鴻鴈來又五日
草木萌動獺不祭魚國多盜賊鴻鴈不來遠人不服
草木不萌動果蔬不熟驚蟄之日槐始華又五日倉
庚鳴又五日鷹化爲鳩桃始不華是謂陽否倉庚不

鳴臣不口主鷹不化鳩寇戎數起春分之日玄鳥至
又五日雷乃發聲又五日始電玄鳥不至婦人
不口雷不發聲諸侯口民不始電君無威震清明之日桐
始華又五日田鼠化爲鴛又五日虹始見桐不華歲
有大寒田鼠不化鴛國多貪殘虹不見婦人苞亂穀
雨之日萍始生又五日鳴鳩拂其羽又五日戴勝降
于桑萍不生陰氣憤盈鳴鳩不拂其羽國不治兵戴
勝不降于桑政教不中立夏之日螻蟴鳴又五日蚯
蚓出又五日王瓜生螻蟴不鳴水潦淫漫蚯蚓不出

嬖奪后王瓜不生困於百姓小滿之日苦菜秀又五
日靡草死又五日小暑至苦菜不秀賢人潛伏靡草
不死國縱盜賊小暑不至是謂陰慝芒種之日螳螂
生又五日鵙始鳴又五日反舌無聲螳螂不生是謂
陰息鵙不始鳴令姦壅偪反舌有聲佞人在側夏至
之日鹿角解又五日蜩始鳴又五月半夏生鹿角不
解兵戈不息蜩不鳴貴臣放逸半夏不生民多厲疾
小暑之日溫風至又五日蟋蟀居壁又五日鷹乃學
習溫風不至國無寬教蟋蟀不居壁急迫之暴鷹不

學習不備戎盜大暑之日腐草化為螢又五日土潤
 溽暑又五日大雨時行腐草不化為螢穀實鮮落土
 潤不溽暑物不應罰大雨不時行國無恩澤立秋之
 日涼風至又五日白露降又五日寒蟬鳴涼風不至
 無嚴政白露不降民多邪病寒蟬不鳴人皆力爭處
 暑之日鷹乃祭鳥又五日天地始肅又五日禾乃登
 鷹不祭鳥師旅無功天地不肅君臣乃口農不登穀
 暖氣為災白露之日鴻雁來又五日玄鳥歸又五日
 群鳥養羞鴻雁不來遠人背畔玄鳥不歸室家離散

群鳥不養羞下臣驕慢秋分之日雷始收聲又五日
 蟄蟲培戶又五日冰始涸雷不始收聲諸侯淫佚蟄
 蟲不培戶口靡有賴水不始涸甲蟲為害寒露之日
 鴻雁來賓又五日爵入大水化為蛤又五日菊有黃
 華鴻雁不來小民不服爵不入大水失時之極菊無
 黃華土不稼穡霜降之日豺乃祭獸又五日草木黃
 落又五日蟄蟲咸俯豺不祭獸爪牙不良草木不黃
 落是為愆陽蟄虫不咸俯民多流亡立冬之日水始
 冰又五日地始凍又五日雉入大水為蜃水不冰是

伏陰負地不始凍咎徵之咎雉不入大水國多淫婦
小雪之日虹藏不見又五日天氣上騰地氣下降又
五日閉塞而成冬虹不藏婦不專一天氣不上騰地
氣不下降君臣相嫉不閉塞而成冬母后淫佚大雪
之日鳴鳥不鳴又五日虎始交又五日荔挺生鷓鴣
不鳴口口虎不始交口口口口荔挺不生卿士專權
冬至之日蚯蚓結又五日麋角解又五日水泉動蚯
蚓不結君政不行麋角不解兵甲不藏水泉不動陰
不承陽小寒之日鴈北向又五日鵲始巢又五日雉

始雉鴈不北向民不懷主鵲不始巢國不寧雉不始
雉國大水大寒之日鷄始乳又五日鷲鳥厲疾又五
日水澤腹堅雞不始乳淫女亂男鷲鳥不厲國不除
兵水澤不腹堅言乃不從

謚法解第五十四

維周公旦太公望開嗣王業攻于牧野之中終葬乃
制謚叙法謚者行之迹也號者功之表也車服位之

章也

古者有大功則善號以為福也

是以大行受大名細行受小名

行出於己名生於人

名謂號謚

一人無名曰神

不名壹善稱善

口間曰聖所稱得人善敬賓厚禮曰聖聖於禮也德象

天地曰帝同於地靜民則法曰皇安靜仁義所在曰王從民

之立制及衆曰公志無私也執應八方曰侯所執行入方應之也壹

德不解曰簡壹不委曲平易不疵曰簡疵多病也經緯天地曰

文成其道也道德博厚曰文無不學勤好問曰文不耻下問慈

惠愛民曰文惠以成文也愍民惠禮曰文以禮安人錫民爵位

曰文與可舉也剛疆直理曰武剛無欲疆不撓直正無曲理忠恕也威疆敵

德曰武思有德者敵也克定禍亂曰武以兵征故解也刑民克服曰

武法正民能使服大志多窮曰武大志行兵多所窮也敬事供上曰恭

恭奉尊賢貴義曰恭尊貴賢人寵貴義士尊賢敬讓曰恭敬有德讓

有功既過能改曰恭言有智也執事堅固曰恭守正不移安民長

悌曰恭順長按弟執禮敬賓曰恭迎侍賓也比親之門曰恭無德

以益之也尊長讓善曰恭不尊已善推於他人淵源流通曰恭性無所忌

也照臨四方曰明以明照之諳訴不行曰明逆知之威儀

悉備曰欽威則可畏儀則可象大慮靜民曰定思樹也安民大慮

曰定以慮安民安民法古曰定不失舊意也純行不二曰定行壹

不謀慮不威曰德不以威相拒也辟地有德曰襄取之以義甲冑

有勞曰襄言成征伐有伐而還曰釐知難而退質淵受諫曰釐

深故能受言周愛親族也慈惠愛親曰釐雖多能不至大

道聰明啟哲曰獻有通知也溫柔聖善曰懿性純淑也五宗

安之曰孝五世之宗也協時肇享曰孝協合肇始也秉德不

回曰孝順於德而不逆大慮行節曰孝言成其節執心克莊曰齊

能自輔輕供就曰齊輕有所輔而供成也温年好樂曰康好豐年勤

民安樂撫民曰康無四方之虞令民安樂曰康富而教之安民

立政曰成政以安之布德執義曰穆穆純也中情見貌曰穆

任口敏以敬順曰傾無所不敬順也昭德有勞曰昭能勞也聖

文周達曰昭聖文通治也保民耆艾曰胡六十曰耆七十曰艾彌年

壽考曰胡大其年也彊毅果敢曰剛彊於仁義致果曰毅追補前過

曰剛勸善以補過也柔德考衆曰靜成衆使安也供已解言曰靜

供已之身鮮言而正寬樂令終曰靜性寬樂義以善自終治而清省曰平

無失闕之病也執事有制曰平在位平意也布網治紀曰平施之政事

由義而濟曰景用義而成也布義行剛曰景以剛行義也清白

守節曰貞行清白志固也大慮克就曰貞能大慮非正則不可不隱無

克曰貞坦然無私也彊以剛果曰威彊甚於剛也猛以彊果曰

威亦彊其於剛也彊毅信正曰威信正言無邪也辟土服遠曰桓兼人

故啟道德純一曰思道大而德一也不肯兆民曰思大親民而不殺

外內思索曰思言求善也追悔前過曰思思而能改也柔質受

課曰惠以惠愛惠能思辯衆曰元別之使各有次也行義說民曰

元民說其義始建國都曰元非善之長可一始也主義行德曰元以義

為主作德政也兵甲亟作曰莊以數征為嚴敬通克服曰莊通達使能

也死於原野曰莊非嚴何難以死難屢征口伐曰莊以嚴口之武而

不遂曰莊武功不成克殺秉正曰夷秉正不任賢也安心好靜曰

夷不爽正也執義揚善曰懷私人之善慈義短折曰懷短未六十折未

三夙警戒曰敬敬身思戒夙夜恭事曰敬敬以莊事也象方益

平曰敬法以敬也合善法典曰敬非敬何以善也述善不克

曰丁不能成義述義不悌曰丁不悌遜順也有功安民曰烈以武

立秉德遵業曰烈遵世業不墮改剛克為伐曰翼成功也思慮

深遠曰翼好遠思白能也剛德克就曰肅成其不欲執心決

斷曰肅言嚴果也愛民好洽曰戴好民治也典禮不塞曰戴口

死而志成曰靈立志不口命也亂而不損曰靈不口治極知鬼

事曰靈知其能聯徹也不勤成名曰靈本任性不見賢思齊死見鬼能

曰靈有鬼為厲好祭鬼神曰靈敬鬼神不能遠也短折不成曰殤

有知而天殤也未家短折曰殤未家者未室家也不顯尸國曰隱以

主國也隱拂不成曰隱言其隱拂改其性也年中早夭曰悼年不肆志

肆行勞祀日悼縱於心勞於淫恐懼從處日悼從處

地不思忘愛日刺忌其愛已者也悞恨遂禍日刺去諫日悞反是日悞

外內從亂日荒官不治家不理好樂怠政日荒淫於聲色故怠政事在

國逢難日愍逢兵寇之事也使民折傷日愍苛政賊害在國連憂

日愍仍多禍亂方作日愍國無政動長亂蚤孤短折日哀卑

未知恭仁短折日哀體恭質仁功未施也蚤孤有位日幽有喪即位

而卒雍遏不通日幽弱損不日也動祭亂常日幽易神克

威捷行日魏有威而敏行克威惠禮日魏有威而敏行也去禮遠

衆日煬內好多淫外則荒政醜心動懼日甄甄積也容儀恭美日

勝有儀可象行恭可美威德剛武日圉圉也能亂患也聖善周聞日

宣聞謂所聞善事也治民克盡日口克盡無恩惠也行見中外日愍

言表裏如一也勝敵壮志日勇不口勝照切寧民日商明有狀功也

古迷今日譽言直人稱心能制義日庶制得事宜好和不爭日

安失在少斷外內真復日白正而口終始一也不生其國日聲知而

不致戮無辜日厲賊良善人官人應實日知能官人也凶年無

穀日糠不務稼穡名實不爽日質不爽不應也不悔前過日戾知而

不温良好樂日良言人行可好可樂也怙威肆行日醜肆意勤

政無私日類無私惟義聽在好變動民日躁數移徙也慈和徧服

曰順能使人皆服其慈和滿志多窮曰感自足者必不足也危身奉上

曰忠險不辭勞也思慮深遠曰自任多近於專息政外交曰推

不自明而恃外也疏遠繼位曰紹非其次第偶得之也彰義掩過曰堅

明義以前過肇敏行成曰直始疾行成言不深也內外賓服曰止以言

正也華言無實曰言不實教誨不倦曰長以道教之也

愛民在刑曰克道之以政齊之以刑嗇於賜與曰愛言貪悛也逆天

虐民曰燭所尊天而逆天好廉自克曰節自節以情欲也擇善而從

曰比比方善而從之好更改舊曰易變改故常名與實爽曰謬言名

美而實傷思厚不爽曰愿不差所思而得也貞心大度曰匡心正而明

察也隱哀之也施為文也除為武也除惡辟地為襄視遠

為恒剛克為發柔克為懿履亡為莊有過為僖施而

不成曰宣惠而內德曰獻無內德惠不成也治而生青為平

亂而不損為靈由義而濟為景失無口則以其明餘

口象也以其明所及為謚象謂象其事行也和會也勤勞也遵循也爽

傷也肇始也又治也康安也怙恃也享祀也胡大也

服敗也康順也就會也懋過也錫與也典常也肆於

也糠虛也敬聖也惠愛也綏安也堅長也耆疆也考

成也周至也懷思也式法也敏疾也捷克也載事也

彌久也

明堂解第五十五

大維商紂暴虐瞽瞍侯以享諸侯天下患之四海兆民欣戴文武是以周公相武王以伐紂夷定天下既克紂六年而武王崩成王嗣幼弱未能踐天子之位周公攝政君天下弭亂六年而天下大治乃會方國諸侯於宗周大朝諸侯明堂之位天子之位負斧扆南面立率公卿士侍于左右三公之位中階之前北面東上諸侯之位阼階之東西面北上諸伯之位西

階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面南上五狄之國北門之外南面東上四塞九口之國世告至者應門之外北面東上宗周明堂之位也明堂明諸侯之尊卑也故周公建焉而明諸侯於明堂之位制禮作樂頒度量而天下大服萬國各致其方賄七年致位於成王

肆四手嘗麥解第五十六宗廟八嘗麥十六師長代

維四年孟夏王初祈禱于宗廟乃嘗麥于太祖是月
王命大正正刑書爽明僕告既駕少祝導王亞祝迎
王降階卽假于太宗少宗少祕于社各牡羊一牡豕
三史導王于北階王涉階在東序乃命太史尚太正
卽居于戶西南向九州口伯咸進在中西向宰乃承
王中升自客階作筴執筴從中宰聖尊中于大正之
前太祝以王命作筴筴告太宗王命口口祕作筴許
諾乃北向繇書于內楹之門王若曰宗揜大正昔天
之初口作二后乃設建典命赤帝分正二卿命蚩尤

于宇少昊以臨四方司口口上天未成之慶蚩尤乃
逐帝爭于涿鹿之河九隅無遺赤帝大懾乃說于黃
帝執蚩尤殺之于中異以甲兵釋怒用大正順天思
序紀于大帝用名之曰絕轡之野乃命少昊請司馬
鳥師以正五帝之宮故名曰質天用大成至于今不
亂其在殷之五子忘伯禹之命假國無正用胥興作
亂遂凶厥國皇天哀禹賜以彭壽思正夏略今予小
子聞有古遺訓予亦述朕文考之言不易予用皇威
不忘祗天之明典令口我大治用我九宗正州伯教

告于我相在大國有殷之曰辟自其作曰于古是威厥邑無類于冀州嘉我小國小國其命余克長國王嗚呼敬之哉如木旣顛厥巢其猶有枝葉作休爾弗敬恤爾執以屏助予一人集天之顯亦爾子孫其能常憂恤乃事勿畏多寵無愛乃囂亦無或刑于鰥寡乖罪惠乃其常無別于民衆臣咸興受大正書乃降大史筴刑書九篇以升授大正乃左還自兩柱之間曰箴大正曰欽之哉諸正敬功爾頌審三節無思民因順爾臨獄無頗正刑有掇夫循乃德式監不遠以

有此人保寧爾國克戒爾服世世是其不殆維公咸若太史乃降太正坐舉書乃中降再拜稽首王命太史正升拜于上王則退是月士師乃命太宗序于天時祠大暑乃命少宗祠風雨百享士師用受其載以爲之資邑乃命百姓遂享于富無思民疾供百享歸祭閭率里君以爲之資野宰乃命冢邑縣都祠于太祠乃風雨也宰用受其職載以爲之資采君乃命天御豐穡享祠爲施大夫以爲資箴太史乃藏之于盟府以爲歲典

本典解第五十七

維四月既生魄王在東宮召公告周公曰嗚呼朕聞武考不知乃問不得乃學俾資不肖永無惑矣今朕不知明德所則政教所行字民之道禮樂所生非不念而知故問伯父周公再拜稽首曰臣聞之文考能求士□者智也與民利者仁也能收民獄者義也能督民過者德也爲民犯難者武也智能親智仁能親仁義能親義德能親德武能親武五者昌于國曰明明能見物高能致物物備咸至曰帝帝鄉在地曰本

本生萬物曰世世可則 曰至至德照天百姓□驚備有好醜民無不戒顯父登德德降則信信則民寧爲畏爲極民無淫慝生民知常利之道則國疆序民好醜□必固其務均分以利之則民安□用以資之則民樂明德以師之則民讓生之樂之則母之禮也政之教之遂以成之則父之禮也父母之禮以加于民其慈□□古之聖王樂體其政士有九等皆得其宜曰材多人有八政皆得其則曰禮服士樂其生而務其宜是故奏鼓以章樂奏舞以觀禮奏歌以觀和

禮樂既和其上乃不危王拜曰允哉幼愚敬守以為
本典

逸周書卷第六終

逸周書卷第七

晉 孔晁注

明 新安程榮校

官人解第五十八

王曰嗚呼大師朕維民務官論用有徵觀誠考言視
聲觀色觀隱揆德可得聞乎周公曰亦有六徵嗚呼
乃齊以揆之一曰富貴者觀其有禮施貧賤者觀其
有德守嬖寵者觀其不驕奢隱約者觀其不懾懼其
少者觀其恭敬好學而能悌其壯者觀其廉潔務行

而勝私其老者觀其思慎而口疆其所不定者觀其
不踰父子之間觀其和友君臣之間觀其忠惠鄉黨
之間觀其信誠省其居處觀其方口省其喪哀觀其
貞良省其出入觀其交友省其交友觀其任廉設之
以謀以觀其智示之以難以觀其勇煩之以事以觀
其治臨之以利以觀其不貪濫之以樂以觀其不荒
喜之以觀其輕口之以觀其重醉之酒以觀其恭從
之色以觀其常道之以觀其不二昵之以觀其不狎
復徵其言以觀其精曲省其行以觀其備此之謂觀

誠二曰方與之言以觀其志口以淵其器寬以悌其
色儉而不誦其禮先入其言後人見其所不足曰益
者也好臨人以色高人以氣賢人以言防其所不足
發其所能曰損者也其貌直而不止其言正而不私
不飾其美不隱其隱不防其過曰有質者也其貌曲
媚其言工巧飾其見物務其小證以故自說曰無質
者也喜怒以物其色不變煩亂以事而志不營深導
以利而心不移臨懾以威而氣不卑曰平心而固守
者也喜怒以物而心變易煩亂以事而志不治導之

以利而心遷移臨懾以威而氣慄懼曰鄙心而假氣者也設之以物而數決敬之以卒而度應不文而辯曰有慮者也難決以物難悅以守一而不可變因而不知止曰愚依人也營之以物而不誤犯之以卒而不懼置義而不可遷臨之貨色而不過曰果敢者也移易以言志不能固已諾無決曰弱志者也順予之弗爲喜非奪之弗爲怒沉靜而寡言多稽而險貌曰質靜者也屏言弗顧自順而弗護非是而彊之曰始誣者也微而能發察而能深寬順而恭儉溫柔而能

斷果敢而能屈曰志治者也華廢而誣巧言令色皆以無爲有者也此之謂考言三曰誠在其中必見諸外以其聲處其實氣初生物物生有聲聲有剛柔清濁好惡咸發于聲心氣華誕者其聲流散心氣順信者其聲順節心氣鄙戾者其聲醒醜心氣寬柔者其聲溫和信氣中易義氣時舒和氣簡備勇氣壯力聽其聲處其氣考其所爲觀其所由以其前觀其後以其隱觀其顯以其小占其大此之謂視聲四曰民有五氣喜怒欲懼憂喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆
隱之陽氣必見五氣誠于中發形于外民情不可隱
也喜色猶然以出怒色薦然以侮欲色嫗然以愉懼
色薄然以下憂悲之色瞿然以靜誠智必有難盡之
色誠仁必有可尊之色誠勇必有可新之色誠潔必
有難汙之色誠口必有可信之色質浩然固以安偽
蔓然亂以煩雖欲改之中色弗聽此之謂觀色五曰
民生則有陰有陽人多隱其情節其偽以攻其名有
隱於仁賢者有隱於智理者有隱於文藝者有隱於

廉勇者有隱於交友者如此不可不察也小施而好
德小讓而爭大言願以爲質口愛以爲忠尊其得以
改其名如此隱於仁賢者也前總唱切慮誠弗及佯
爲不言內誠不足色示有餘自順而不讓措辭而弗
遂此隱於智理者也動人以言竭而弗終問則不對
佯爲不窮口貌而有餘假道而自順因之口初窮則
託深如此者隱於文藝者也口言以爲廉矯厲以爲
勇內恐外誇亟稱其說以詐臨人如此隱於廉勇者
也自事其親而好以告人飾其見物不誠於內發名

周書 卷七
以事親自以名私其身如此隱於忠孝者也比周以
相譽知賢可徵而左右不同不同而交交必重口心
說而身弗近口口而實不至懼不盡見於衆而貌克
如此隱於交友也此之謂觀隱六曰言行不類終始
相悖外內不合雖有假節見行曰非成質者而言忠
行夷爭靡及私口弗求及情忠而寬貌莊而安曰有
仁者也事變而能治效窮而能達措身立方而能遂
曰有知者也少言以行恭儉以讓有知而言弗發有
施而口弗德曰謙良者也微忽之久而可復幽間之

獨而弗克其行亡如存曰順信者也貴富恭儉而能
施嚴威有禮而不驕曰有德者也隱約而不懾安樂
而不奢勤勞而不變喜怒而有度曰有守者也直方
而不毀廉潔而不戾疆之而無私曰有經者也虛以
侍命不召不至不問不言言不過行行不過道曰沈
靜者也忠愛以事親驩以盡力而不回敬以盡力而
不口曰忠孝者也合志而同方共其憂而任其難行
忠信而不疑口隱遠而不舍曰交友者也志色亂氣
其人甚偷進退多巧就人甚數辭不至少其所不足

謀而不已曰僞詐者也言行亟變從容克易好惡無常行身不篤曰無誠者也少知而不大決少能而不大成規小物而不知大倫曰華誕者也規諫而不類道行而不平曰竊名者也故曰事阻者不夷時口者不回果敢者不飾貌者不靜假節者不平多私者不義揚言者寡信此之謂揆德

王會解第五十九

成周之會墀上張赤弁陰羽王城既成大會諸侯及四夷也陰鶴也以羽飾天子南面立纒無繁露朝服八十物播

挺繁露冕之所垂也所尊敬則有焉唐叔荀叔周公

在左太公望在右皆纒亦無繁露朝服七十物播笏

旁天子而立於堂上唐荀國各皆成王弟故曰叔旁差在後也近天子後故其冕謂堂下

之左殷公夏公立焉皆南面纒有繁露朝服五十物

皆播笏祀宋二公冕有繁露播笏則唐虞闕也為諸侯之有疾病者阼

階之南祝淮氏榮氏次之皆西南彌宗旁之淮榮二視之氏

也彌宗官各次為諸侯有疾病者之醫藥所居使諸至也相者太史魚太行人皆朝服有繁露魚太史各及太

行人皆贊相賓客禮儀也堂下之東面郭叔掌為天子棗幣焉纒

有繁露郭叔號文王弟棗錄諸侯之幣也內臺西面者正北方應侯

曹叔伯舅中舅內臺中臺也應侯成王弟比服次之要服次之荒

服次之西方東面正北方伯父中子次之此要服於比服轉遠

殊故殊其名非夷狄之四荒也伯父姬姓之國中子於王子中行者也方千里之外為

比服方千里之內為要服三千里之內為荒服是皆

朝於內者此服名因於殷非周制也堂後東北為赤弁焉浴盆在

其中雖不用而設之敬諸侯也其西天子車立馬乘亦青陰羽鳧

旌鶴鳧羽為旌旄中臺之外其右泰士臺右彌士外謂臺之東西也外

臺右太士右彌士士言尊王太彌相儀之事也受贄者八人東面者四人受

幣士也四人東面則西面四人也陳幣當外臺天玄歆宗馬十二陳

帛被馬於外臺天玄黑歆宗尊也王玄繚碧基十二此下三碧皆王

之玄繚謂之黑組紐之基王各有十二基也參方玄繚壁豹虎皮十二參

陳檠三所也壁皮兼陳也四方玄繚壁琰十二琰珪也有鋒疾陳

外臺之四隅張赤奕為諸侯欲息者皆息焉命之曰

爻間每角張息者隨所近也侯稱爻也周公旦主東方所之青馬黑

歆謂之母兒周公主東方則太公主西方東青馬則西白馬矣馬名未聞其守營

牆者衣青操弓執矛戟也各異方西面者正北方稷慎大

塵稷慎肅慎也貢塵似鹿正北內臺北也穢人前兒前鬼若彌猴立行

聲似小兒穢韓穢東夷別種良夷在子在子口身人首脂其

腹炙之霍則鳴曰在子良夷樂狼之夷也貢奇獸揚州禺禺魚名

解倫寇亦奇魚也發人鹿鹿者若鹿迅走發亦東夷迅疾俞人雖

馬俞東北夷雖馬舊駕青丘狐九尾青丘海東地名周頭輝

羗輝羗者羊也周頭亦海東名也黑齒白鹿白馬黑齒西遠之夷也貢

白鹿白民乘黃乘黃者似騏皆有兩角白民亦南夷東越

海蛤東越則海際蛤文蛤歐人蟬蛇蟬蛇順食之美東越歐人也北交州

蛇特多為上珍也姑於越納口姊妹珎姊妹國後屬越且甌文蜃且歐

在越文蜃大蛤也若人玄貝若人吳越之蠻玄貝照貝也海陽大蠃海水之陽

一蠃盈車自深桂自深亦南蠻也會稽以鞞背西嚮其皮可以為鼓首自塵以

下至此向西也正北方義渠以茲白茲者白若白馬鋸牙食

虎豹亦在臺北與大塵相對義渠西戎國茲白一名駁者也史林以尊耳尊耳

者身若虎豹尾長三尺其身食虎豹史林戎之在西南者北唐

戎以間閭以險冠北唐戎在西北者也射禮以間象為射器渠叟以鼯犬

鼯犬者露犬也能飛食虎豹渠叟西戎之別名也樓煩以星施

星施者珥旄樓煩北狄珥旄所以為旄羽耳十盧以牛牛者牛之小

者也十盧盧人西札戎也合盧水是區陽以鼈封者若堯前後有首

區陽亦戎規矩亦戎也麟者獸也規矩亦戎也麟似鹿西

申以鳳鳥鳳鳥者戴仁抱義掖信歸有德其形似雞

戴仁向仁國抱義懷有丘羗鸞鳥丘地之羗不商故謂之丘羗今謂之

亦歸仁義也巴人以此翼鳥巴人在南者不此方

揚以皇鳥方揚亦戎別名也蜀人以文翰文翰者若

皇雞鳥有文彩者皇雞似方人以孔鳥亦戎別名孔

鸞揚之翟揚州之蠻倉吾翡翠翡翠者所以取羽倉

亦蠻也翠羽其其餘皆可餘謂衆諸貢物也言政化

之所南人至衆皆北嚮南人南越伊尹朝獻商書言別有

不周書錄中以事類來附王會期朝貢湯問伊尹曰

諸侯來獻或無馬牛之所生而獻遠方之物事實相

反不利非其所有而當遠今吾欲因其地勢所有獻

之必易得而不貴其為四方獻令制其品伊尹受命

於是為四方令曰臣請正東符婁仇州伊慮漚深九

夷十蠻越漚鬻文身十者東夷蠻越之別稱剪請令

以魚支之鞞口劍之醬鮫斂利劍為獻鞞刀削劍魚

鮫皮作之鮫文魚也正南甌鄧桂國損子產里百濮九菌六者

之別請令以珠璣瑋象齒文犀翠羽菌鶴短狗為

獻璣似珠而小菌鶴可用為正西崑崙狗國鬼親枳

已關耳貫耳貫雕題離丘漆齒九者西戎之別名也關

因其事以請令以丹青白旄紕芻江歷龍角神龜為

獻江歷珠名龍正北空同大夏莎車姑他旦略貌胡

戎翟匈奴樓煩月氏娥犁其龍東胡十二者北狄之

西北界戎翟請令以橐駝白玉野馬駒駼馱驥良弓

為獻湯日善

逸周書卷第七終

逸周書卷第八

天命用夷氣之六商之受晉

孔晁注亦繫於

明新安程榮校業以

文既周祭公解第六十

王若曰祖祭公祭公周公之後昭次予小子虔虔在

位虔敬昊天疾威予多時溥愆溥大也言昊天疾威我

聞祖不豫有加予維敬省不弔天降疾病予畏之威

公其告予懿德予至也言己道不至故天祭公拜手

稽首曰天子拜手頭至手謀父疾維不瘳朕身尚在

茲朕魂在于天謀父祭公名我魂在於天言必死也昭王之所勗宅天

命言雖魂在天猶明王之所勉君天下之事也王曰嗚呼公朕皇祖文王

烈祖武王度下國作陳周維皇皇上帝度其心寘之

明德下國謂諸侯也天度其心所能寘明德於其身也付俾於四方用應受

天命敷文在下付與四方受命於天而敷其文德在下土也我亦維有若

文祖周公暨列祖召公茲申予小子追學於文武之

茂言已追學文武之徵德此由周召分治之化也周克龕紹成康之業以將

天命用夷居之大商之衆將行夷于也言大商本其初也我亦維有

若祖祭公之執和周國保乂王家執謂執其政也王曰公稱

丕顯之德以予小子揚文武大勳弘成康昭考之烈

稱謂舉行也昭考昭王穆王之父也王曰公無困我哉俾百僚乃心率

輔弼予一人言公當使百官相率和祭公拜手稽首

曰允乃詔畢桓于黎民般般樂也言信如王告盡治民樂政也乃汝汝王也

公曰天子謀父疾維不瘳敢告天子皇天改大殷之

命維文王受之維武王大尅之咸茂厥功茂美也文王以受命

為美武王以克殷為美故曰咸也維天真文王之重用威亦尚寬壯

厥心康受乂之式用休真正也重之用威伐崇黎也既尅之而安受治之其治用

也美亦先王茂綏厥心敬恭承之維武王申天命戡厥

也

敵言武王申文王受命之意而勝殷也公曰天子自三公上下辟于文

武文武之子孫大開方封于下土辟法也言我土法文武方大開國旁

布於天之所錫武王時疆土不維周之錫與言天子武王是疆所受是夫

之受命是永宅之錫與言天子武王是疆所受是夫

長居維我後嗣旁建宗子不維周之始并旁建宗子

此也言皆始并大鳴呼天子三公監于夏商之既敗不則

無遺後難至于萬億年守序終之言當以夏商為戒

其序而既畢丕乃有利宗不維文王由之既終之則

皆由文武公曰嗚呼天子我不則寅哉寅哉寅敬也

則汝無以戾口罪疾喪時二王大功戾反罪疾謂已

文汝無以嬖御固莊后嬖御寵妾汝無以小謀敗大

作小謂不法先王汝無以嬖御士疾大夫卿士言無

人疾汝無以家相亂王室而莫恤其外言陪臣執國

謂王室尚皆以時中又萬國言當盡用是中嗚呼三

公汝念哉汝無泯泯勞芬厚顏忍醜時維大不弔哉

戒三公使念我與王也泯泯亂也忍行昔在先王我

亦維丕以我辟險于難不失于正我亦以免沒我世

先王穆父祭公所事也辟君也言我事先王嗚呼三

遇大難正而不失故能以善沒世言善終

公予維不起朕疾汝其皇敬哉茲皆保之

皇大也言當式敬我

言如此則天下皆安之

曰康子之攸保勗教誨之世祀無絕不

我周有常刑

康安也子之所宜安以善道勉教之則子孫有福不然則犯常刑也

王拜

手稽首黨言

王拜受祭公之黨言也三年則三公拜可知也

史記解第六十一

維正月王在成周昧爽召三公左史式夫

王是穆王也戎夫左

史各也曰今夕朕寤遂事驚予

遂成也行成事言驚夢宿欲知之也

乃取

遂事之要戒俾戎夫言之朔望以聞

集取要戒之言月巳日望於王

前讀

信不行義不立則哲士凌君政

言君不行信義信義由智正故

哲士凌君之政也

禁而生亂皮氏以亡

禁義信則亂生皮氏古諸侯也諂諛

日近方正日遠則邪人專國政

好順人意為諂諛

禁而生亂

華氏以亡

華聚也亦古諸侯也

好貨財珍恠則邪人進邪人進

則賢良日蔽而遠

賢良不行貨故蔽遠

賞罰無位隨財而行夏

后氏以亡

桀由好財亡也

嚴兵而不口者其臣懾其臣懾而

不敢忠不敢忠則民不親其吏

不敢忠乃不仁下刑効其上故不親

始於親遠者寒心殷商以亡

紂以暴虐亡也

樂專於君者權

專於臣權專於臣則刑專於民

君荒於樂則權臣專斷用刑濫矣

君

娛於樂臣爭於權民盡於刑有虞氏以亡

專則致爭而刑殺之

盡被刑也有虞商均之後也奉孤以專命者謀主必畏其威而疑其

前事謀主謂孤長大也前事謂專命挾德而責數日疏位均而爭平

林以亡挾其見奉之德而責其前專命事此與周公反矣位於勢敵大臣有錮職

譁誅者危昔者質沙三卿朝而無禮君怒而久拘之

譁而弗加錮職謂事專權也譁卿謀變質沙以亡有三卿諸侯可知也

外內相間下撓其民民無所附三苗以亡弱小在疆

大之間存亡將由之則無天命矣不知命者死無天命命

在疆壯者也知命則大不知命則足以亡矣有夏之方興也扈氏弱而不

恭身死國亡有夏敵也戰於其滅扈也嬖子兩重者亡昔者義渠

氏有兩子異母皆重生不別長庶寵秩同也君疾大臣分黨而

爭義渠以亡各有所事而爭力也功大不賞者危昔平州之功

大而不賞諂臣日賞貴功日怒而生變平州之君以

走出有功不賞而貴諂臣有德不官而任奸佞宜其出走也召遠不親者危昔

有林氏召離戎之君而朝之林氏諸侯至而不禮留而弗

親離戎逃而去之林氏誅之天下叛林氏天下見其遇戎不以

禮遂叛林氏林氏孤危也昔者曲集之君伐智而專事疆力而不

賤其臣忠良皆伏伏智自足也謂不為之用榆州氏伐之君孤而

無使曲集以亡曲集榆州皆古諸侯昔者有巢氏有亂臣而貴

周書

任之以國假之以權擅國而主斷委之政也君已而奪之

臣怒而生變有巢以亡東政則專立殺則多恐雖君奪其政懼禍見及故作亂也

斧小不勝柯者亡昔有鄆君嗇儉滅爵損祿羣臣卑

讓上下不臨柯秉所以喻君斧所以用喻臣臣無爵祿君所在不臨言不相承奉也後

曰小弱禁罰不行重氏伐之鄆君以亡兩弱不能行合久空

重位者危昔有共工自賢自以無臣久空大官言無任已

臣者故空官也下官交亂民無所附唐氏伐之共工以亡大無

臣故小臣亂也君凶於上臣亂於下民無所依竟遂流之犯難爭權疑者死昔有

林氏上衡氏爭權爭為犯難不果為疑林氏再戰弗勝上衡氏

偽義弗克俱身死國亡林氏時勝上衡氏急義所以俱亡知能均而

不親並重事君者危昔有南氏有二臣貴寵力鈞勢

敵竟進爭權下爭朋黨君弗禁南氏以分二臣勢鈞而不親權

重養徒黨所以分國也昔有果氏好以新易故故者疾怨新故

不和有果亦國名也內爭朋黨陰事外權有果氏以亡外權謂外

大爵重祿輕比口不成者亡昔有畢程氏損祿增爵

群臣貌匱比而戾民畢程氏以亡有位無祿取名自成民不堪求比而

罪好變故易常者亡昔陽氏之君自伐而好變事無

故業官無定位民運於下運亂移也陽氏以亡業形而復

者危昔穀平之君悞類無親破國弗尅業形用國悞類戾也國不勝彼以刑為業也

外內相援穀平以亡武不止者亡昔

阪泉氏用兵無已誅戰不休并兼無親文無所立智

士寒心無親謂并兼之也無文德故智士寒心也徙居至于獨鹿諸侯畔

之阪泉以亡獨鹿西戎地名徙都失處故亡也狠而無親者亡昔者

縣宗之君狠而無聽不納忠計執事不從宗職者疑發大

事群臣解體皆有違心國無立功縣宗以亡昔者玄都賢

鬼道廢人事天求祥神也謀臣不用龜策是從神巫用國

哲士在外玄都以亡棄賢任巫所以亡也文武不行者亡昔者

西夏性仁非兵性仁而無文德非兵而無武備城郭不脩武士無位

惠而好賞屈而無以賞無功盡賞財無可用唐氏伐之城郭不

守武士不用西夏以亡唐氏堯帝美女破國昔者績陽疆

力四征重丘遺之美女重丘之君畏其并已惑之以女績陽之君悅

之熒惑不治大臣爭權遠近不相聽國分為二君昏於上

官室破國昔者有洛氏宮室無常池園廣

大工功日進以後更前民不得休農失其時二進功則民困

矣以工取官賢林退矣饑饉無食成商伐之有洛以亡湯號曰成故曰

湯成

職方解第六十二

職方氏掌天下之圖辯其邦國都鄙四夷八蠻七閩

九貉五戎六狄之人民

此在周官大司馬下篇穆王使有司抄出之欲時省馬國

邑曰鄙東方曰夷南方曰蠻皆狄蠻之別貉夷之別八七九五六見非一之言也

與其財用

九穀六蓄之數周知其利害乃辯九州之國使同

利

貫事

東南曰揚州其山鎮曰會稽其藪澤曰具區其

川三江其浸五湖其利金錫竹箭其民二男五女其

畜宜雞狗鳥獸其穀宜口口

箭篠也九州土氣生民女各不同鳥獸山澤所

育之屬也

正南曰荊州其山鎮曰衡山其澤藪曰雲夢其

川江漢其浸潁湛其利丹銀齒革其民一男二女其

畜宜鳥獸其穀宜稻河南曰豫州其山鎮曰華山其

澤藪曰圃田其川滎雒其浸陂澆

華山西岳

其利林漆絲

泉其民二男三女其畜宜六擾其穀宜五種

家所畜曰擾五

種謂黍稷穀麥稻也

正東曰青州其山鎮曰沂山其澤藪曰望

諸其川淮泗其浸沂沐其利蒲魚其民二男三女其

畜宜雞犬其穀宜稻麥河東曰兖州其山鎮曰岱山

其澤藪曰大野其川河涕其浸盧維其利蒲魚其民

二男三女其畜宜六擾其穀宜四種

四種黍稷稻麥

正西曰

雍州其山鎮曰嶽山其澤藪曰彊蒲其川涇納其浸

渭洛其利玉石其民三男二女其畜牛馬其穀宜黍

稷嶽異嶽也東北曰幽州其山鎮曰醫無閭其澤藪曰獫

狝其川河泚其浸菑時其利魚鹽其民一男三女其

畜宜四擾其穀宜三種四擾牛羊馬豕三種黍稷稻也河內曰冀州

其山鎮曰霍山其澤藪曰揚紆其川漳其浸汾露其

利松柏其民五男二女其畜宜牛羊其穀宜黍稷所謂

河內者正北曰并州其山鎮曰恒山其澤藪曰昭餘祁

其川虜池嘔夷其浸涑易其利布帛其民二男三女

其畜宜五擾其穀宜五種五擾牛馬羊豕犬五種黍稷菽麥麻乃辯九

服之國方千里曰王圻圻界也其外方五百里為侯服

為王者斥侯也口言服正事也又其外方五百里為甸服甸田也治田又入穀

也又其外方五百里田男服男任也任王事又其外方五百

里為衛服為王扞衛也又其外方五百里曰蠻服用事差簡慢

又其外方五百里為鎮服口口口口又其外方五百里

為藩服藩服屏四境也凡國公侯伯子男以周知天下凡拜

國大小相維王設其牧周徧維持也牧謂牧御天下之政教制其職名

以其所能連率牧監各任能也制其貢各以其所有土地所有乃貢之

王將巡狩則戒于四方曰各脩平乃守考乃職事無敢不敬戒國有大刑考成也不敬則犯大刑也職方所及王者之所

行道率其屬而巡戒命王殷國亦如之王十二歲一巡狩職方自

所戒之命其不巡狩六口盡朝朝謂之殷國也述命亦如巡狩也

逸周書卷第八終

逸周書卷第九

晉

孔晁注

新安程榮校

芮良夫解第六十三

芮伯若曰予小臣良夫稽道謀告

伯爵若順也順其事而告之也子

惟民父母致厥道無遠不服無道左右臣妾乃違無道

無德政違矣也

民歸于德德則民戴否則民讎茲言允効于

前不遠

言驗於前世不遠言近

商紂不道夏桀之虐肆我有家

舉桀紂惡滅亡為戒也

嗚呼惟爾天子嗣文武業惟爾執政小

子同先王之臣昏行口顧道王不若

同為昏闇言專教王為不順

利作威佐亂進禍民將弗堪

專利侵民佐亂進於禍也

治亂信乎

其行惟王暨爾執政小子攸聞

行善則治行惡則亂皆所聞知

古人

求多聞以監戒不聞是惟弗知

言古人不聞故有所不知也

后除

民害不惟民害害民乃非后惟其讎

害民是與民為怨讐

后作

類后弗類民不知后惟其怨

言民不從上命從其所行類善也不知君則怨

深矣民至億兆后一而已寡不敵眾后其危哉

言上下無義對

共相怨則寡者危也嗚呼口口口如之

人養食之則擾服雖家畜不養則畏人治民亦

也然今爾執政小子惟以貪諛為事不懃德以備難

為貪曲從為護

下民胥怨財單竭手足靡措弗堪戴上不其

亂而

言民相與怨上上加之罪民不堪命而作亂

以予小臣良夫觀天下

有土之君

有土謂之諸侯也

厥德不遠罔有代德

言無遠德罔有天下

也時為王之患其惟國人

是國人為患也

嗚呼惟爾執政朋

友小子其惟洗爾心改爾行克憂往愆以保爾居

洗心

改行憂往過則安爾之居位

爾乃贖禍翫哉遂弗悛余未知王之

所定矧乃口口

贖陽不聞翫心不惕悛改矧况也尚不知王定况貪諛之臣能得其所也

惟禍發於人之攸忽於人之攸輕口不存焉變之攸

伏言人所輕忽則禍之所起謂不民也

爾執政小子不圖善偷生苟安

爵以賄成苟且無遠慮賢智緝口小人鼓舌逃害要

利並得厥求唯曰哀哉賢者得默以逃害小人佞諂以要利各得其求君子為之

也衰者我聞曰以言取人人飾其言以行取人人竭其

行飾言無庸竭行有成君子不以言舉人無功故也欲行有成故也惟爾

小子飾言事王寔蕃有徒王貌受之終弗獲用面相

誣蒙及爾顛覆蕃多徒衆言非一也貌謂外相悅而無實也君臣之相誣蒙必相及其顛

也覆之爾自謂有餘予謂爾弗足敬思以德備乃禍難

也言其不足於道義也以用也乃汝也難至而悔悔將安及無曰予為惟

爾之禍為不

晉平公使叔譽于周見太子晉而與之言

晉平公使叔譽于周見太子晉而與之言叔譽者大夫叔向也

周靈王太子名晉也五稱而五窮遂巡而退其不遂五稱說五事遂終也

歸告公曰太子晉行年十五而臣弗能與言告平公稱其賢

也君請歸聲就復與田若不反及有天下將以為誅

也聲就復與周之二邑也平公將歸之師曠不可曰請使

瞑臣往與之言若能蒙予反而復之師曠晉大夫無目故稱瞑蒙復

也度謀還與否也師曠見太子稱曰吾聞王子之語高於泰

山夜寢不寐晝居不安不遠長道而求一言言高於泰山言

無上也不安 王子應之曰吾聞太師將來甚喜而又

至飢渴也 懼吾年甚少見子而懾盡忘吾其度備而士度所以為謙師曠

曰曰曰曰吾聞王子古之君子甚成不驕自晉始如

周行不知勞有成德不以驕易也王子應之曰古之君子其行

至慎天下施關道路無限百姓悅之相將而遠遠人

來驩視道如尺言已不及古君子尺俞近師曠告善又稱曰古之

君子其行可則由舜而下其孰有廣德問舜已平可法則之君子

也王子應之曰如舜者天舜居其所以利天下奉翼

遠人皆得已仁此之謂天言其仁合天道如禹者聖勞而不

居以利天下好取不好與必度其正是謂之聖盡力溝洫

勞也貪財利為其功念聖道也如文王者其大道仁其小道惠三分

天下而有其二敬人無方服事於商既有其眾而返

失其身此之謂仁以口仁德人惠懷之行無常唯賢所在勞謙恭儉日夜不息返失之

也如武王者義殺一人而以利天下異姓同姓各得

之謂義一人紂也儀善師曠告善又稱曰宣辨名命異姓惡

方王侯君公何以為尊何以為上問其事儀王子應之曰

人生而重丈夫謂之胄子胄子成人能治上官謂之

士謂士率眾時作謂之曰伯伯能移善於眾與百姓

同謂之公作謂農功同謂好義公能樹名與物天道俱謂之侯

侯能成群謂之君立名生物謂化施於民也成謂成物羣謂之為長也君有廣

德分任諸侯而敦信曰予一人敦厚也善至于四海曰

天子達於四荒曰天王四海四夷四荒四春四荒至莫有怨訾

乃登為帝訾嘆恨也合五等之尊卑而論事義以為之名者也師曠整然又稱

曰温恭敦敏方德不改聞物口口下學以起尚登帝

臣乃參天子曰古誰整然自嚴肅也方道初本也起其物義也問最賢之人也王

子應之曰穆穆虞舜明明赫赫立義治律萬物皆作

分均天財萬物熙熙非舜而誰能律法也謂致其物也熙熙和盛言舜

臣堯功德如此也師曠東躅其足曰善哉善哉東躅也王子曰

太師何舉足驟師曠曰天寒足躅是以數也驟亦數也王子

戲問故王子曰請入坐遂敷席注瑟師曠歌無射曰

國誠寧矣遠人來觀修義經矣好樂無荒交言於堂故更入燕

室坐歌此辭而音合於無射之律乃注瑟於王子王子歌嶠曰何自

南極至于北極絕境越國弗愁道遠嶠曲名也師曠作新曲美王子

也王子迷舊曲諫也師曠蹶然起曰暝臣請歸蹶然疾貌王子賜之

乘車四馬曰太師亦善御之禮為天子三賜不及者馬此賜則自王然後行

可知師曠對曰御吾夫之學也王子曰汝不為夫時

詩云馬之剛矣轡之柔矣馬亦不剛轡亦不柔志之

塵塵取予不疑以是御之馬不剛轡不柔言和擾也

也心師曠對曰暝臣無見為人辯也唯耳之恃而耳又

寡聞而易窮王子汝將為天下宗乎辯別也為人有所別唯恃耳也

宗尊也天下所尊則有明王者也王子曰太師何汝賤我乎自太師

以下至于堯舜禹未有一姓而再有天下者夫大當

時而不伐天何可得言自庖犧至禹其子孫未有明

已必不立也且吾問汝之人年長短告吾師曠對曰汝聲

清汗汝色赤白火色不壽清角也言音汗沆水木生

火色赤知聲者則色亦然

王子曰吾後三年上賓于帝所汝慎無言口將及汝

言死必為賓于天帝之所鬼神之神也師曠歸未及三年

告死者至未及三年并歸之年為三年而卒也

王佩解第六十五

王者所佩在德德在利民民在順上言以利民為德也天子事天所

以威下使事上合為在因時應事則易成得時所為合謀成

在周長有功在力多周忠信也功多也昌大在自克不過

往數懲以義勝欲得昌大數不困在豫慎見禍在未

形事未成而豫除害在胞斷安民在知過用兵在知

慎則不困也

時能斷所不思也知過輒改勝大患在合人心殃毒

在信疑舉合民心何孽子在聽內化行在知和內聽

孽而吐於中言宜其生災也可否相濟日和施舍在乎心不幸在不聞其

過施謂施惠舍謂赦罪聖人福在受諫基在愛民固

在親賢受諫則無非故福以愛民為禍福在所密利

害在所近存亡在所所與密背親近所利用皆忠

離合在出命尊在慎威安在恭已危亡在不知時教

善則事合否則人矣威得其宜則尊見善而怠時至

而疑亡正處邪是弗能居此得失之方也不可不察

急懈惶不能行也疑由豫不果也邪奸術也

殷祝解第六十六

湯將放桀于中野此事不然矣士民間湯在野皆委

貨扶老携幼奔國中虛言桀國中空無桀請湯曰國

所以為國者以有家家所以為家者以有人也今國

無家無人矣君有人請致國君之有也此國為湯曰

否昔大帝作道明教士民今君王滅道殘政士民惑

矣吾為王明之大帝謂禹明禹士民復致於桀日以

薄之居濟民之賤何必君更此士民辭也薄湯所居

湯桀與其屬五百人南徙千里止於不齊民往奔湯

於中野不齊地名桀復請湯言君之有也湯曰否我為君

王明之士民復重請之桀與其屬五百人徙於魯魯

士民復奔湯魯亦地名桀又曰國君明之士民復奔湯魯亦地名

桀又曰國君之有也吾則外人有言彼以吾道是

耶我將為之言桀以此辭勸勉湯者也湯曰此君王之士也君王

之民也委之何湯不能止桀必欲去也湯曰欲從者從君

桀與其屬五百人去居南巢地名湯放桀而復薄三千諸

侯大會大會民薄湯退再拜從諸侯之位湯曰此天子位

有道者可以處之讓諸侯之有道者天子非一家之有也有

道者之有也故天下者唯有道者理之唯有道者紀

之唯有道者宜久處之久處久居天子之位湯以此讓三千諸

侯莫敢即位然後湯即天子之位三千諸侯勸之也與諸侯

誓曰陰勝陽即謂之變而天弗施逆天道故不施雌勝雄即

謂之亂而人弗行雌勝雄女凌男之異故諸侯之治

政在諸侯之大夫治與從言下必順上所以教治也

周祝解第六十七

曰維哉其時告汝不聞道恐為身災言所以告汝不聞道為身災也

謹哉民乎朕則生汝朕則形汝告以善道是生之朕是以教之以法也

則經汝朕則亡汝朕則壽汝朕則名汝經紀汝昌阜汝殺亡汝為

汝請命名也故曰文之美而以身剥自謂智也者故不

足狐貉俱以文受害人自賢則愚惡返見也角之美殺其牛榮華之言後

有茅言牛以角死虛言致穢也凡彼濟者必不怠觀彼聖人必趣

時以不怠故濟以趣時故聖石有玉而傷其山萬民之患在口言

山以有玉故傷人以口言受惠時之行也勤以徙不知道者福為禍

不徙以及時人故失其福也時之從也勤以行不知道者以福亡

行謂與時偕行故曰肥豕必烹甘泉必竭直木必伐以其供人用自

然地出物而聖人是時鷄鳴而人為時觀彼萬且何

為求萬物自然不為人求聖人則之如因鷄鳴以識時也故天有時人以為正

地出利而民是爭正謂敬授民時也爭謂爭其畝之也人出謀聖人是

經陳五刑民乃敬經經度之也敬上命也教之以禮民不爭被

之以刑民始聽因其能民乃靜有禮則讓故不爭聽順靜服謂不為亂也

故狐有牙而不敢以噬獮有蚤而不敢以擻喻大以小能不自盡而已也特欲

敢望大官亦求勢居小者不能為大雖有英材勢不便故特欲

正中不貪其害凡勢道者不可以不大不貪害也中其度至道

不行也故木之伐也而木為斧賊難而起者自近

者因木以伐木二人同術誰昭誰暝二虎同穴誰死

誰生成者能昭故虎之猛也而陷於獲人之智也而

陷於詐虎以食陷奔人以葉之美也解柯柯之美也

離其枝枝之美也拔其本儼矣將至不可以無盾此

飾末業覆本質也盾喻為人當有所備護故澤有獸而焚其草木太威將

至不可為巧焚其草木則無種大威將至不可以為

勇言亦貨以危身故天之生也固有度國家之患離

之以故以言患因事地之生也固有植國家之患離

之以謀植立也有故時之還也無私貌日之出也無

私照還謂至也貌謂無實時時之行也順至無逆為

天下者用大略言當以大火之燁也固定上為天下

者用牧燁然也火曰炎水之流也固走下不善故有

桴桴所擊鼓也言惡故福之起也惡別之禍之起也

惡別之惡於何也故平國若之何須國覆國事國孤

國屠皆若之何覆滅也事謂事無役也孤故日之中

也日月之望也食威之失也陰食陽善為國者使之

有行食謂毀明而生魄也是彼萬物必有常

國君而無道以微亡微以積小以故天為蓋地為軫

善用道者終無盡地為軫天為蓋善用道者終無害

言困道動天地之間有滄熱善用道者終不竭滄寒竭盡

陳彼五行必有勝天之所覆盡可稱言五行相勝以生成萬物盡可

稱名故萬物之所生也性於從萬物之所及也性於

同從謂立也始異終故曰反也故惡姑幽惡姑明惡姑陰陽惡姑

短長惡姑剛柔姑者且也言幽明之相代陰陽之變易短長之相形剛柔之相生始終之

道故海之大也而魚何為可得山之深也虎豹貔貅

何為可服言皆以貪餌自中鈞檻也人智之邃也奚為可測跋動

噦息而奚為可牧誠於事故可測牽於事故可牧玉石之堅也奚可

刻言服飾之窮物也陰陽之號也孰使之牝牡之合也孰交

之君子不察福不來言陰陽之稱號牝牡之交合皆自然也君子察自然之理則福

也故忌而不得是生事故欲而不得是生詐生事謂變也生

詐謂詐為求之欲伐而不得生斧柯欲鳥而不得生網羅欲

彼天下是生為所以生成所欲也謂云為之事也維彼幽心是生包

維彼大心是生雄維彼忌心是生勝包謂包藏陰謀雄謂雄傑於人

也勝謂勝所忌皆惡忌事也故天為高地為下察汝躬奚為喜怒

天為古地為久察彼萬物名於始言法天地則喜怒無錯推古久則萬

始可知也左名左右名右視彼萬物數為紀紀之行也利

而無方行而無止以觀人情

名以左若則物以數為紀紀則生利利以利情

也利有等維彼大道成而弗改用攸夫道知其極加

諸事則萬物服

差等也大道天道也極中也事業也

用其則必有群加

諸物則為之君

君

類舉其修則有理加諸物則為天子

修長也謂綱例也

逸周書卷第九終

逸周書卷第十

晉

孔晁注

明新安程榮校

武紀解第六十八

幣帛之間有巧言令色事不成車甲之間有巧言令色事不捷克口事而有武色必失其德臨權而疑必離其災口口不捷智不可口口於不足并於不幾則始而施幾而弗免無切國有三守卑辭重幣以服之弱國之守也修備以待戰敵國之守也循山川之儉

而固之僻國之守也伐服不祥伐戰危伐險難故善
伐者不伐三守伐國有六時五動四順間其疏薄其
疑推其危扶其弱乘其衰暴其約此謂六時扶之而
不讓振之而不動數之而不服暴之而不革威之而
不恐未可伐也此謂五動立之害毀之利克之易并
之能以時伐之此謂四順立之不害毀之不利唯克
之易并之不能可伐也立之害毀之未利克之難并
之不能可動也靜以待衆力不與爭權弗果據德不
肆國若是而可毀也地荒而不振德衰而失與無苦

而危矣求之以其道口口無不得爲之以其事而時
無不成有利備無患事時至而不迎大祿乃遷延之
不道行事乃困不作小口動大殃謀有不足者二仁
廢則文謀不足勇廢則武謀不足備廢則事謀不足
國有本有幹有權有倫質有樞體土地本也人民幹
也敵國侔交權也政教順成倫質也君臣和口樞體
也土地未削人民未散國權未傾倫質未移雖有昏
亂之君國未亡也國有幾失居之不可阻體之小也
不果隣家難復飾也封疆侵凌難復振也服國從失

難復扶也大國之無養小國之畏事不可以本權失
口家之交不可以枉澁失隣家之交不據直以約不
虧體以陰不可虞而奪也不可策而服也不可親而
侵也不可摩而測也不可求而循也施度於體不慮
費事利於國不計勞失德喪服於隣家則不顧難矣
交體侵凌則不顧權矣封疆不時得其所無爲養民
矣合同不得其位無畏患矣百姓屈急無藏畜矣擠
社稷失宗廟離墳墓困鬼神殘宗族無爲愛死矣卑
辭而不聽口財而無枝計戰而口足近告而無顧告

過而不悔請服而不得然後絕好于閉門循險近說
外授以天命無爲是定亡矣凡有事君民守社稷宗
廟而先衰亡者皆失禮也大事不法弗可作法而不
時弗可行時而失禮弗可長得禮而無備弗可成舉
物不備而欲曰大功於天下者未之有也勢不求周
流舉而不幾其成亡薄其事而求厚其功亡內無文
道外無武迹往不復來者有悔而求合者亡不難不
費而致大功故今未有據名而不辱應行而不困唯
禮得之而無逆失之而無咎唯敬成事而不難序功

而不費唯時勞而有成費而不吝唯當施而不拂成
而有權久之而能日唯義不知所取之量不知所施
之度不知動靜之時不知吉凶之事不知困達之謀
疑此五者未可以動大事恃名不久恃功不立虛願
不至妄為不祥太上敬而服其次欲而得其次奪而
得其次爭而克其下動而上資其力凡建國君民內
事文而和外事武而義其形慎而殺其政直而公本
之以禮動之以時正之以度師之以法成之以仁此
之道也

禮記 銓法解第六十九

有三不遠有三不近有三不畜敬謀祇德親同三不
遠也聽讒自亂聽諛自欺近慙自惡三不近也有如
忠言竭親以為信有如同好以謀易寇有如同惡合
計掬慮慮泄事敗是謂好害三不畜也

禮記 器服解第七十

明器因外有三疲二用器服數犢四楛禁豐一簾天
韋獨食器無逆膏候屑侯樂鈔璪參冠一竿皆素獨
二丸弁焚菜膾五昔纁裏桃枝素獨蒲簟席皆素斧

獨巾玄纁綏縞冠素紕玄冠組武卷組纓象口口瑱
絺紳帶象珖朱極韋素獨簞簠捍次車羔冒口純載
枉綫喪勤焚纓一給噐因名有三幾玄茵纁裏桃枝
獨蒲席皆素布獨巾玄象玄純

逸周書卷第十終六十八

錢塘郭志學寫

昭德晁公武志

汲冢書十卷蓋晉太康中汲郡與穆天子傳同得晉
孔晁注蓋孔子刪採之餘凡七十篇古者天子諸侯
皆有史官唯書法信實者行于世秦漢罷黜封建獨
天子之史存然史官或怯而阿世貪而曲筆虛美隱
惡不足考信則儒學處士必私有記述以伸其志將
來賴之以證史官之失其功亦大矣以司馬遷之博
聞猶采數家之言以成其書况其下者乎亦有聞見
單淺記錄失實冒臆偏私褒貶弗公誤後世在觀者

慎擇而已矣

晉孔晁注周書十卷按隋唐經籍志藝文志皆稱此書得於晉太康中汲郡魏安釐土冢孔晁注或稱十卷或八卷大抵不殊若此則晉以前初未有此也然劉向所錄及班固並著周書七十一篇且謂孔子刪削之餘而司馬遷史記武王克殷事蓋與此合豈西漢世已得入中秘其後稍隱學者不道及盜發冢幸復出邪篇目比漢但闕一耳必班劉司馬所已繫之汲冢失其本矣書多駁辯宜孔子所不取戰國處士私相綴續託周爲名孔子亦未見古章句

或舛訛難讀聊復傳寫以待是正巽巖李燾古章曰

日藥之必衰夫其本矣書多類後宜於子世不規口

幸野出派蘇自出莫野關一耳必班隆同無所口口

冀世日野入中殊其外許學皆不敵文盜發家口

峭之翁而何馬變史如左王京烈事蓋與此合豈西

隆向亦難及班固並著周書十一篇且謂於子冊

卷短八卷大凡不類其四皆以前時未育此也然

書與於晉大氣中及班固文獻家序最出班十

晉其最出周書十卷許謂書與蘇林出燕文志皆蘇地



